

## Akoranga 2: Papapātuhi

# LEARN IT Online

He Kupu Whakataki:

I tērā wiki i ako tātou i ngā pātene rerekē o te kiore, tā rātou hoki ka aha ai. Tēnā, anga atu ināianei ki te kite e hia ngā mea e maumaharatia ana e koe.

I tēnei rā ka titiro tātou ki te papapātuhi, ka ako he aha te mahi a ētahi o ngā pātuhi, me te whakawai haere hoki.

Papapātuhi:

Ko te kiore tētahi tikanga e āhei tātou te pāheko tahi me te rorohiko. Ko tērā atu ko te papapātuhi. Ko ngā mea katoa ka taea me te kiore ka taea hoki me te papapātuhi.

Kei te 3 o ngā whārangi tētahi whakaahua o te papapātuhi. I a koe ka ako nei i tā tēnei pātuhi, i tā tēnei pātuhi ka aha ai, ka taea hoki te tuhi whakaahuatanga mōna (ko āu kupu ake) i te wāhi kua hoatu.

Hei Mahi:

- Whakatuwheratia tētahi whārangi tuhinga piako mā te pāwhiri taurua i te ata 'MS Office Word' i te papamahi.
- Mā te papapātuhi pātuhia te rerenga kōrero:  
**“Ko tōku ingoa ko [tō ingoa], ā, e ako ana ahau ki te whakamahi i te papapātuhi”**

*Kaua e māharahara kei te tino tika rānei, ki te whakatikatika rānei i ngā hē.  
Ākuanei ērā whakatikatikatia ai.*

- Pēhia te pātuhi Tāuru. (tirohia te hoahoa i te 3 o ngā whārangi hei āwhina i a koe kia kite)
- Pēhia te pātuhi Tāuru i ētahi wā anō ka matapaki ā-rōpūtia ai tāna ka aha ai. Ki te pēnei koe kua mārāma ki a koe te pātuhi tāuru tuhia he whakaahuatanga poto i te pouaka i te 3 o ngā whārangi.

*Kupu Ako: Uia tō Kairuruku Pokapū Ako kia pēhea te pātuhi tāuru e whakamahia ai hei 'pāwhiri' i ngā pātene*

- Patoa anō te rerenga kōrero, i tēnei wā whakamahia te pātuhi neke kia meatia hei pūmatua te pū tuatahi o ia kupu. (E rua ngā pātuhi neke – he rerekē te mahi a tēnā , a tēnā?) Matapakia te pātuhi neke, ka tuhi ai i tētahi whakaahuatanga.
- Kia kotahi te pēhi i te pātuhi Pūmatua Mau ka pato anō i te rerenga kōrero. Ka aha rā te pātuhi Pūmatua Mau?

*Kupu Ako: I te Ipurangi, ka whakaarohia te patonga pūmatua katoa ko te ŪMERE. Ka kore e hiahiatia kia whakamahia e koe te pātuhi pūmatua mau.*


- Whakawetotia te pātuhi Pūmatua mau ka pato anō i te rerenga kōrero.
- Pēhia te hokimuri ka mātakitaki he aha ka tūpono
- He aha te rerekētanga i waenganui i te pātuhi hokimuri i te pātuhi pere mauī?
- Whakamahia ngā pātuhi pere ki te hoki ētahi pū ki muri, pēhia te muku.
- He aha te rerekētanga i waenganui i te hokimuri i te muku?
- Whakamahia ngā pātuhi pere, te hokimuri me te muku ināianei ki te hoki anō ki te whakatikatika i ō hē.
- Ka whakamahi i te pere runga me te pere raro ki te whakatikatika i ngā hē i ētahi atu rerenga kōrero
- Patoa te rerenga kōrero anō, ināianei ia patoa te pātuhi 'Ripa' i muri i ia kupu.

*Kupu Ako: Uia tō Kairuruku Pokapū Ako kia pēhea te pātuhi Ripa e whakamahi ai ki te whakakī i ngā puka tono me ngā kupuhipa.*

- Pēhia te pātuhi 'F1'. Ka tika kia kitea e koe tētahi paetaha hōu ki te taha matau o te matapihi.
- Pāwhiritia te pouaka 'Rapua:' ka pato "Huria te momotuhi"
- Pāwhiritia ētahi o ngā whakautu kia mōhio kia pēhea e huria ai te momotuhi

Matatau:

- Huria te momotuhi i ētahi o ō tuhinga...



- \_\_\_ Pae Mokowā \_\_\_\_\_
- \_\_\_ Tāuru \_\_\_\_\_
- \_\_\_ Neke \_\_\_\_\_
- \_\_\_ Pūmatua Mau \_\_\_\_\_
- \_\_\_ Pātuhi Pere \_\_\_\_\_
- \_\_\_ Hokimuri \_\_\_\_\_
- \_\_\_ Mukua \_\_\_\_\_
- \_\_\_ Ripa \_\_\_\_\_
- \_\_\_ Pātuhi F1 \_\_\_\_\_

## Pato Pā Noa:

Ka taea tō āheinga pato te whakaterere ake mā te ako ki te pato pā noa. Ko te pato pā noa ko te pato hāunga te titiro ki ngā pātuhi. He maha anō ngā paetukutuku tino pai e āhei koe te haere mō ētahi akoranga e āwhina i a koe ki te ako ki te pato pā noa, otirā ētahi kēmu hākinakina me ētahi korikori.

## Mahikāinga:

- Me whakawai te whakamahinga i ngā pātuhi i ako tātou i te rangi nei
- Tirohia ētahi papatono pato i te ipurangi. Ka kitea ētahi hoto i te whārangi paetukutuku o te Pokapū Ako:
  - Haere ki: [www.waitakerelibs.govt.nz](http://www.waitakerelibs.govt.nz)
  - Pāwhiritia 'Whare Pukapuka'
  - Pāwhiritia 'Ratonga Whare Pukapuka'
  - Pāwhiritia 'Pokapū Ako'
  - Pāwhiritia 'Puna Akoranga'
  - Pāwhiritia '[Whakawai Pato](#)'.

## tērā rānei

- Me whakawai te pato mā te tuhi reta, mā te pato rānei i tētahi pukapuka (whakamahia te MS Word – kei te papamahi tētahi pokatata).